

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris
Theologia Tripartita Universa**

Complectens nunc Bibliothecam perfectam Viri Ecclesiastici, ordine
sequenti

Controversiae Heterodoxae Ac Scholasticae - Cum speciali Notitia rerum
Modernarum, & Chronologia totius Monarchiae Sacrae, & Saecularis,
Pontificum, Conciliorum &c. Haeresum omnium, ac Propositionum
damnatarum Mundi Sex Aetatum ...

Archdekin, Richard

Dilingae, 1687

Animæ Immortalitas ex demonstrata superius Dei existentia, & ratione
naturali deducitur, & nunc additi indicant numeri etiam in sequentibus.

urn:nbn:de:hbz:466:1-38447

Cap. I. Art. II. Animæ immortalitas.

7

Animam quoque homini incorpoream atque immortalem negare: teque totam hominis machinam , & quidquid in ea continetur ex fortitudine quarundam atomorum concursu fabricare.

VI. Quero igitur nunc, quo pacto ex fortuna illius corporiculorum congerie, quibus ex natura sua nihil rationis inditum est, provenire possint illa perfectissimæ rationis principia, quæ etiam quandoque reluat natura singulos homines docent: *Suum cuique tribendum: Parentes honorando: Alteri non faciendum quod tibi nolles fieri, &c.* Ea enim vis infinita non est corporibus ex se stupidis & ratione carentibus, ut in unam molam conflata, talia conferant rationis lumina, quibus ipsa penitus destituantur. Certissimum namque totius naturæ axioma est, Nullam causam posse producere effectum seipso perfectiorem. Quomodo ergo suprema illa rationis principia, & nulli errori obnoxia, poterunt provenire à sola symmetria, motuque corporum elementarum, quibus nihil magis proprium ac congenitum est, quam casus, error, & ignorantia? Sicut igitur à Magistro inanis cerebri, ac nullis artibus imbuto, nemo scientiam hauserit indubitatam, & omnis erroris expertem, ita necessarium erit deficere ac vacillare prima illa rationis principia, quæ pro certissima habentur, nisi à supra ac perfectissima quadam intelligentia deriventur, qualem extra hanc quam terminus corporum congeriem inquiras necesse est.

Atque hinc ut arbitror satis manifestè deprehendis, ipsam naturæ vim, in qua effugium quereras, te ad supremum ac perfectissimæ intelligentiae Numen sua sponte adducere, dum invictè démonstrat, hæc ipsa rationis principia, quæ naturæ attribui, non posse homini inexistere, nisi Deum, qui illa Animæ incorporei impresur, ut primum primæ veritatis fontem & auctorem agnoscas.

ANIMÆ IMMORTALITAS.

Ex demonstrata Dei existentia, & ratione naturæ deducitur.

VII. Robatur primò, ex divina auctoritate & veracitate, quæ falli aut fallere non potest, in Scripturis sacris à te dictatis animæ nostræ immortalitatem disertè declarante. Pater *Marchæ* 10. Nolite timere eos qui occidunt corpus, animam autem non possunt occidere: Ubi verba illimitata, non possunt occidere, scilicet etiam declarant animam ex natura sua, non ex solo Dei decreto absolute esse immortalē. Pater idem *Math. 15.* Ibunt hi in supplicium æternum, justi autem in vitam æternam. Idem denuo Ecclesia universa, Verbi divini interpres à Deo constituta, declarat in Concilio *Lateranensi* III. *Seff. 8.* his verbis. Cum diebus nostris nonnulli ausi sint dicere de natura animæ rationalis, quod mortalitatis sit; sacro approbante Concilio, damnamus & reprobamus omnes asserentes, animam intellectivam esse mortalem, &c. cum illa non solum vere & essentialiter humani corporis forma existat, verum & immortalis &c.

Probatur secundò, ex Justitia Dei perfectissima ac sapientissima, quæ proinde plectere debet improbos, & remunerari probos. Atquid sapere non facit in hac vita, in qua cernimus improbos affluere delitios, probos vero miseriis multis affligi. Ergo id praestare debet post decussum hujus vite mortalis. Unde etiam sequitur post illam debere animam ad minimum pro

aliqua temporis duratione superesse. Si autem post separationem à corpore permaneat aliquo tempore superstes, nulla est causa cur unquam postea intereat, cum ex natura sua nullum habeat contrarium à quo defruatur, neque per se sit naturæ fluxæ, nec aliud afflignet quod exigat eam in nihil reduci. Quin è contra experimur animæ humanae à natura insitum esse appetitum quandam inmatrem ad quietem & beatitudinem perfectam, adeoque perpetuam: hic autem appetitus frustraneus & chimericus foret, cum nulla beatitudo possit esse perfecta nisi sit cum perpetuitate coniuncta. Hoc argumento utrum fuisse S. Petrum adversus Simonem Magum, ad evincendam animæ immortalitatem, astruit *D. Clemens lib. 3. Recognitionum.*

VIII. Probatur tertio, ratione naturali. Ex eo quod Anima nostra naturam habeat spiritualem, sive incorpoream, quæ proinde ex se nulli est obnoxia corruptioni. Incorpoream autem esse Animæ nostra substantiam, convincunt i. *Cogitationes humane*, quæ sunt operationes animæ, & talis naturæ, ut nequeant illæ per se à potentia corporea exerceri. Verantur enim cogitationes nostræ circa res absentes, imo nullo modo existentes, circa rationes universales, & abstractiones mathematicas quæ sub sensu non cadunt, circa res mere spirituales, circa spatio imaginaria, circa mundos alios possibles, circa chimæras, circa infinitum, circa Angelos protus incorporeos, & circa ipsum Deum.

Atqui corpus tantum potest versari circa id quod existit, & ipsi praefens est, ut patet in vi magnetica quantumvis admiranda, & quavis alia vi corporea, quæ non agit nisi in certa spatii determinatione. Sicut & in singulis sensibus corporeis, manus tantum potest tangere, oculus videre, gustus, odoratus, & auditus tantum percipere id quod actu existit, imo quod sic est praefens ut sensum afficiat.

Ergo Anima nostra, quæ est principium effectivum talium Cognitionum & operationum, non potest esse corporea, sed pure Spiritualis, & ex natura sua incorruptibilis, juxta axioma commune Philosophorum, modus operandi sequitur modum effendi; sed modus operandi est incorporeus, ut probatum est, ergo & modus effendi.

Probatur quartò, & validissime ex hominis *Liberitate*: quia indifferentia quæ Anima se determinat modò ad hoc, modò ad illud cogitandum, volendum, vel nolendum, item ex deliberatione præviâ modò ad hoc, modò ad illud decernendum, concludendum, &c. non potest esse actus corporeus, qui semper est ad unum determinatus, neque versatur circa consequentias, divinationes, abstractiones, & multò minùs circa ea quæ sunt æterna, aut supernaturalia. Hinc etiam ipse Plotinus antiquissimum Scholæ Platonicæ lumen *Enneade 2. cap. 4.* animam esse incorpoream ac immortalem necessariò concludit.

Idem convincit *Imperium absolutissimum* quod anima, cum vult, in corpus, ac potentias illius corporeas exerceat: uti dum contra naturalem appetitiam corporis, compescit illius oblectationes, frenat gustum, domat libidinem, mortem etiam naturæ corporeæ terribilissimam pro Deo, ac virtute ultrò appetit. Quod sane vim maximam contra, & ultra omnem corpoream evincere, agnoscit ipse Boëtius, & alii inter ethnicos Philosophos nature exploratores acutissimi. Ideque in simili manifestè elucidatur: Quando contra recurrentis aquæ torrentem navis propellitur, sine dubitatione.

Msde
Kin

Theo.
logia

D. IV

III. 3. 1.

bitatione concludimus non vi aquæ defluentis, & navi-
gatio resistentis, illius motum in partem aduersam ul-
terius impelli, sed alia quadam validiori, sive remorum,
sive ventorum &c. Quod in actibus illis humanis con-
tra oblucentem corporis sensum & appetentiam clare
elucescit: ab alio scilicet principio incorpooreo actus
illos promanare. Hinc ipse qui divinus dicitur *Plato* in *Phedone* Animam humanam primo rectori, sive
Deo, propioremait, quia regit, rectorique primo af-
similatur.

IX. Sed ne ad demonstrandam hanc animæ immor-
talitatem, hic premissus deducatam, latiori stylo cogar ex-
currere, *Ciceronem* Oratorum principem, ex ipso na-
ture lumine, & priscorum seculorum Philosopheris,
multa paucis complectentem hic breviter subjicio,
libro de Senectute circa finem. Sic, inquit, mihi persuasi,
sic sentio, cum tanta celeritas sit animarum, tanta me-
moria præteriorum, futuronque prudenter, tot artes,
tot scientie, tot inventa, non posse eam naturam
quæ res eas contineat, esse mortalem: cumque scipio
agitetur animus, nec principium motus habeat, quia se
ipse movet, nec finem quidem habiturum esse motus,
qui nunquam se ipse sit relietur: & cum simplex ani-
mis sit natura, neque habeat in se quidquam admixtum
dispar sit, atque dissimile, non posse eum dividit; quod
si non possit, non posse interire.

Horum singula multo evadent clariora, si latius ex-
pendas *Intellectus* humani *Inventiones* admirandas nulli
natura corporeæ communes, nullisque pñè limibz
circumscripas, circator vocum, & idiomatum dissimi-
limorum institutiones, tot scripturarum species, tot pi-
cturarum delineationes subtilissimas, tot musica organa,
vocumq; inflexiones ordinatissimas, tot artium, tot
que scientiarū sublimissimarum acquisitiones, in astro-
logia, arithmeticā, optica, geometria, aliaque tam multi-
plici rerum tam humanarum, quam divinarum notitia:
quæ omnia intellectus humani capacitatem ar-
guunt quodammodo illimitatam.

Et quidem quod concernit solam hominis *Memori-
am de Mitridate* Rege Ponti ac Bithunia tradit *Plinius lib. 7. cap. 14.* illum linguarum viginti durarum adeò
fuisse peritum, ut cum totidem Nationibus loqui, ac
negotia quavis tractare posuerit.

Charmides Græcus memoria statim affixos habebat
libros omnes quo legendo pervolvebat, uti tradit *Geli-
lius lib. 17. cap. 17.*

De *Seneca* constat, quod duo millia nominum con-
sequenter recitaverit eo ordine quo ipsi recitata fuer-
runt. Hoc ipse de seipso testatur in *Declamationum lib. 1.*

De quodam adolescentे Paduae à se cognito & vivo
tradit *Marcus Antonius Muretus*, adeò admiranda
fuisse memoria, ut triginta & sex millia nominum, co-
dem tempore & decursu recitare potuerit, quæ ipsi ante
predicta, aut prædicta fuerunt. Ita testatur ipse
Muretus lectionum variarum lib. 3.

Cyrus Rex Periarum, cuius exercitus constabat se-
centis millibus hominum, noverat singulos milites
proprio nomine ac cognomine compellare. Ita *Plinius supra lib. 7. cap. 14.*

Lucius Scipio tante fuit memoria, ut singulos cives
Romanos, qui prope innumerati fuerunt, proprio nomi-
ne consultare potuerit: uti testatur idem *Plinius de vir-
ris illustribus*.

X. Hinc non immerito perspicxit Doctor perspic-
cissimus *S. Augustinus*, Memoram hominis esse

instar Abyssi quæ nullo limite, nullo fine termina-
tur.

Nec minus eadem illimitata facultas animæ nostræ
perspicitur in illius intellectu, ac *Voluntate*. Hæc enim
ita fertur in bona alia atq; alia non tantum sensibus ob-
jecta, sed etiam in supernaturalia, ac divina, ut nunquā
in bonis corporeis suum finem, aut quietem perfectam
obtinet; unde facile intelligitur Animam nostram o-
mnem naturam corpoream longissime transeundere:
ac proinde innatum illius appetitum ac voluntatem
non nisi bono æternō ac infinito tanquam suo fine
ultimo expleri. Idque omni ævo ab orbe condito non
tantum Doctores, ac populi fidei lumine illustrati, sed
etiam summi Gentilium Philosophi, *Plato*, *Aristoteles*,
Socrates, aliisque, ex ipsa nature luce agnoverunt.

ARTICULUS III.

*Ex admissa Dei existentia, facili methodo demon-
stratur progressus ad divina attributa, & ex
hæc ad reliqua mysteria fidei, ejusque Analysis.*

UT ex commonistratis scientiarum principijs, con-
clusiones quedam obscuriores facile elucescant,
ita ex demonstrata supremi Numinis existentia, mirum
quanta menti humana lux oboriantur, ut per solidam
rationis principia ad reliqua fidei mysteria, facili com-
pendio, gradum promoveat, ac tandem solidissimam
fidei nostraræ Analysis perveniat.

§. I.

I. Dico igitur primò: Ex eo quod *Existat Deus* re-
rum omnium prima causa & origo, necessariò
sequitur illum esse, *Ens a se*, hoc est, à nulla causa de-
pendens, sed vi naturæ sua in se ab æterno subsistens.
Quia apertè implicat illum esse rerum omnium pri-
maria causam, & simul existere aliquam causam na-
turæ priorem à quæ ipse dependeat, sic enim esset cau-
sa prima, & non prima.

Dico secundò: Ex eo quod Deus in existendo à
nulla causa prodicativa dependat, sequitur esse, *Ens in
sua essentia Summe perfectum*. Quia limites perfe-
ctionis in re quavis oriuntur à voluntate, aut natura-
li dispositione cause, quæ non potest communicare
effectui perfectionem ampliore, quam ipsa in se conti-
neat. Cum ergo Deus à nulla causa habeat quod
existat, nihil omnino est, quod ipsi perfectionis sua li-
mites circumscribat; ac proinde ultra omnem quæ
mente concepi potest entis creati speciem ac perfec-
tionem sine fine protuberat. Præfertim cum ipse Deus
manifestè revelaverit hanc sibi perfectionem inesse; ni-
hil autem enti à se, & nullius agenti, prodeste potest
mendacium.

Dico tertio: Ex hac *Natura divina Perfectione illi-
mitata*, ac nullis terminis definita conficitur, alia quo-
que ejus *Attributa* debere esse sine fine perfecta, ut sapientiam,
potentiam, justitiam &c. Quia haæ proprieta-
tes debent adæquari naturæ à qua eas emanare con-
cipimus, quæ cum fine careat, non potest proprietates
ex se profuentes ullo fine coarctare. Secundò, cum
haæ Dei attributa non sint res aliqua ipsius naturæ
superaddita, sed ipsa Dei essentia, cum ordine ad varias
quæ producere potest operationes à nobis considerata;
non possunt singula attributa minus continere perfe-
ctionis, quam ipsa Dei essentia, cum qua attributa illa re-
ipsa